



**Clavis Aurea Thesauri Partheno-Carmelitici, Sive
Dissertatio Historico-Theologica, Referans atque
Exponens Antiquitatem & originem, confirmationem ac
propagationem, beneficia ac privilegia, gratias & ...**

Paulus <Ab Omnibus Sanctis>

Viennæ Austriæ, 1669

XIII. Declaratur aliud fundamentum, ex quo oritur prædictum Deiparæ
Virginis speciale auxilium &c.

[urn:nbn:de:hbz:466:1-64293](#)

tum, & in hoc sensu sunt intelligendi S. Augustinus hom. 73. & 107.
& D. Thomas 2.2. q. 83. art. 7. & 15. dum videntur negare infallibili-
lem esse impetrationem pro alio.

CAPUT XIII.

*Declaratur aliud fundamentum, ex quo oritur
prædicium speciale auxilium DEI PARÆ
Virginis, &c.*

68.

Utrum
Beati quid-
piam me-
reri vale-
ant?

*Lib. 21. de
Cœur. Dei.
e. 27.
Serm. de
SS. Petro
& Paulo.*

*Lib. de pre-
dictiori.
1.2. q. 114.
a. 6.
Duplex
datur me-
ritum; &*



DVERTENDVUM est primo pro facilitiore declaratione eorum quæ dicenda sunt, controversiam esse inter Theologos, an Beati in cælo mereantur de congruo, nam de condigno, secundum ordinariam DEI legem, certum est non mereri. Complures antiquiores Theologi, quos refert Suarez lib. 12. de merito cap. 34. num. 4. ac nonnulli ex modernis, è quorum numero est Vasquez 1.2. disp. 216. cap. 4. censuerunt posse Beatos sibi & alijs aliqua dona gratiæ vel accidentalis gloriæ de congruo mereri. Verum S. Thomas, & cum eo reliqui ferè omnes Theologi sentiunt Beatos, sive Angelos, sive homines nihil sibi, aut alijs, neque etiam de congruo, mereri posse. Videatur S. Doctor 1. p. q. 62. a. 9. & in solut. ad 2. & 3. & 2. 2. q. 83. art. 11. ad 1. verum quidquid sit de hac controversia, quam idem P. Suarez, qui consuli poterit, loco sop cit. eruditè discutit ac resolvit, ambigendum non est, posse Beatos in cælo & altera vita suis antecedentibus, sive hujus vitæ merita nobis patrocinari & adjuvare, atq; adeò eadem merita nobis de congruo prodelle, ut docet S. Thomas in 4. disl. 45. q. 3. art. 3. ad 4. Et consentiunt SS. Augustinus, Leo Papa, alijq; Patres, & Doctors Theologi.

Secundo advertendum est præter meritum perfectum filiorum DEI, quod de condigno vocatur, dari aliud meritum minus perfectum, quod de congruo Theologi appellant, juxta mentem SS. Patrum, at præcipue Augustinum & D. Thomam. Hoc vero meritum de congruo probabiliter distinguitur ab impetrazione; meritum enim de congruo, præcisè sumptum fundatur in dignitate & bonitate operis, quatenus in obsequium & honorem DEI cedit, impetratio vero in bonitate

bonitate & liberalitate DEI exaudientis; qui proinde preces exaudiendo ut sic solum donare, non autem retribuere vel remunerare dicitur.

Tertio observandum est, quod ad merendum alteri de congruo necessaria sit quadam operantis relatio, opus suum referentis in commodum alterius; nam opus bonum ex se non refertur in commodum alterius, sed solum in commodum & bonum ipsius operantis: cum hoc tamen stat, merita quae Sancti habuerunt in hac vita, nunc posse nos adjuvare de congruo, etiamsi illi sua opera ad illos effectus promerendos peculiari affectu non obtulerint; quia ad merendum hoc modo satis est generalis affectus charitatis, quo cipiunt justi suis meritis prodesse omnibus, quantum in ipsis est; ut patet ex illo *Genesis 18. capite: Si invenero in Sodomis quinquaginta justos in medio civitatis, dimittam omni loco propter eos.* ubi speciale illos justos in operibus suis relationem ad hunc effectum habuisse, credibile non est.

Quarto observandum est, ex doctrina S. Thomæ I. 2. q. 114. Merito de art. 6. & sequentibus, per meritum de congruo posse justum promereri alteri plura dona supernaturalia ad salutem conducentia aeternam. Cujus rationem reddit S. Doctor loco cit. his verbis: *quia homo in gratia constitutus, implet DEI voluntatem, congruum est secundum amicitia proportionem, ut DEVS impleat hominis voluntatem in salvatione alterius, licet quandoq[ue] possit habere impedimentum ex parte illius, cuius aliquis Sanctus justificationem desiderat.* Hanc eandem doctrinam tradit S. Augustinus, & lib. 20. contra Faustum cap. 21. & lib. 21. de Civit. Dei c. 27. Inter haec vero dona supernaturalia, quae justus alteri promereri potest, merito recensentur remissio peccatorum, ut docet S. Thomas loco cit. ad I. & colligitur ex illo *Matth. 9. & Luce 5. cap. Videns IESVS fidem illorum dixit Paralitico: Confide fili, remittuntur tibi peccata tua;* in que verba S. Ambrosius: *Magnus, ait, Dominus, qui aliorum merito ignoscit alijs, & dum alios probat, alijs relaxat errata.* Cur apud te homo collega non valeat, cum apud DEVVM servus, & interveniendi meritum, & jus habeat impetrandi.

His præmissis, facile intellectu erit, quomodo dicatur ille aeternum non passurus incendium, qui ritè sacrum Scapulare gestat, & in eo moritur. Etenim dubium non est, quin sacratissima Virgo multa

quomodo
ab impe-
tratione
distingua-
tur?

Quid ne-
cessarium
sit ad me-
rendum
alteri de
congruo?

Permulta

& varia be-

neficia SS.

Virgo in

terris posi-

ta homini-

bus de con-

gruo pro-

meruit, &

nunc obti-

net in cæ-

lis.

Quid sen-

serint SS.

Patres de

sublimita-

te ac ple-

nitudine

gratia B.

Virginis?

Orat. 2. de

dormition.

Virg.

Orat. de

laud. Virg.

Serm. de

Nativ. B.V.

Lib. de ex-

cellen. V.

cap. 8.

In Speculo

B. Maria

lett. 5.

multa & varia hominibus beneficia merito de congruo promeruerunt
in vita, & modo obtineat ex praecedentibus suis meritis in celo.
Si enim, ut diximus *suprà* ex S. Thoma, ex eo, quod homo in gratia
constitutus implet DEI voluntatem, congruum est, secundum ami-
citiae legem ac proportionem, ut DEUS impleat hominis volunta-
tem in alterius salvatione, profectò præ omnibus mirum in modum
hoc debet competere eidem DEIPARÆ Virginis, cum divinam vo-
luntatem præ Sanctis omnibus longè perfectissimè semper adimpleri-
rit, ideoq; ad sublimissimum inter omnes puras creaturas gratia &
amicitiae cum DEO gradum elevata fuerit. Hanc ineffabilem sanctissi-
mam Virginis gratiam sublimitatem & plenitudinem, imò abyssum.
sancti Patres unanimi consensu, animisq; præ admiratione suspensis,
miris celebrant encomijs. S. Joannes Damascenus vocat illam.
Gratia abyssum. *Gratia*, inquit S. Epiphanius, *Beatissimæ Virginis*
immensa. S. Bernardinus Senensis appellat, *Abyssum imperficiendum*
onnum charismatum Spiritus sancti. S. Anselmus: *Quid amplius dico*
possum Domina? immensitatem quippe gratiae, & glorie, & felicitatis tue con-
siderare incipienti, sensus deficit, lingua fatiscit. S. Bonaventura: *Immensa*
inquit, fuit gratia quâ ipsa fuit plena. & ita sancti Patres passim loquuntur
de hac sanctissima Virgine post oraculum Angelicum, *Ave gratia*
plena. Et bene sola gratia plena dicitur, ait S. Ambrocius in Lucam lib. 1
cap. 1. quæ sola gratiam, quam nulla alia meruerat, consecuta est, ut gratia
repleretur Autore. Subdit D. Hieronymus Tom. 9. Epist. 10. ad Par-
lam: Et bene plena, quia cæteris per partes præstatur, MARIE vero
se tota infudit plenitudo gratiae. Sexcenta similia testimonia SS. Patrum
idem assertantia hic adduci possent, quorum diffusam seriem Lectione
reperiens in Opere inscripto, *Corona anni Mariani*, mense Septem-
bri, &c. à nostro Ioanne Thoma à S. Cyrillo, Coloniae primùm edito, &
auctiūs recuso Salisburgi.

Nec deest ratio, quæ id persuadeat & confirmet. Nam certum
est, juxta complures Doctores ac Theologos sanctissimam Virginem
in primo instanti sua conceptionis ampliori ac perfectiori gratia
fuisse donatam, quam supremum Angelum in sua creatione, & sanctifi-
catione. Sed hæc eadem Virgo non paucis, ut ille, sed innumeris
atq; continuis toto vitæ decursu, septuaginta duorum annorum
spatio, juxta veriorem sententiam, actibus perfectissimis, & ex toto
conatu

conatu atque viribus, & intensione præcedentis gratiæ & charitatis elicitis, ejusdem gratiæ augmentum & perfectionem promeruit: debet proinde fuisse quasi immensum illud ipsum gratiæ augmentum; immo immensissimum fuisse intrepidè, audenterq; affirmat Seraphicus Doctor S. Bonaventura loco suprà cit. lect. 5. inquiens: *Gratia MARIAE, gratia verissima, gratia immensissima, gratia multiplicissima, &c.* Immensitatem quoque & supereminente exceilum gloriæ ejus, cuius semen est gratia, optimè elegantissimèq; describit, ex recentiori quodam DEIPARÆ amoris cultusq; studiosissimo, noster Franciscus à JESU-MARIA Tom. 2. commentar. in Apocalypf. cap. 19 sect. 3. his, myste-rijs gravidis, verbis: *Candidè & ingenuè profitemur, gloriā ac beatitudinem MARIÆ longè ampliorem esse gloriā Sanctorum atq; Angelorum omnium: tantq; excedere, quamq; vasta celi totius circumferentia punctulo uno diffusior est, quanto splendidum solis jubar exigua candelæ luce est luminosius, quanto vastus oceanus unā aquæ guttulâ, & totus terræ globus pugillo pulveris est corpulentior.* Et alibi: *Multi Sancti, ac pleriq; Doctores affirmant Virginem Matrem plus gloriæ solam adeptam esse, quam omnes Sancti, Angeliq; simul: adeò ut si posset singulorum gloria conglobari, & in quadam quasi libra cum DEIPARÆ Virg. sola gloria ponderari, tantum hac propensura esset, ut terram & mare posset deprimere.* Ita ille. Et quod ipse de gloria, idem quoq; de gratia afferendum est. Francisco jungo Josephum à JESU-MARIA, pie-tate Marianâ ac sacrâ facundiâ ei supparem: qui in Opere suprà laudato lib. 5. cap. 31. & 32. pereleganter de his discurrit. Videantur etiam nost. Elias à S. Teresia in Legatione Ecclesie Triumphantis ad militantem lib. 2. cap. 10. & prefatus P. Joan. Thomas lib. de laudibus S. Anne Cap. 21. num. 26. & ab illo citati Authores.

Quàm im-
mensa ejus
sit gloria?

Jam vero quod attinet ad impletam DEI ab eadem sanctissima Virgine voluntatem in summè excellenti, & heroico prorsus gradu, nemo sanæ fidei de hoc dubitare poterit. Quod egregie inter alios docet S. Bernardinus his verbis: *Adfuit illi ardor charitatis eo modo, Tom. 2. quod mens illius in ardore dilectionis continuè tenebatur; DEVIS enim illius serm. 51. menti se mirabilissime intinabat, omnesq; ejus potentias inferiores subditas, sub art. 2. c. 1. rationis imperio continebat. Aderat illi objectum Divinitatis, eò quod semper habuit continuum aspectum ad DEI beneplacitum, promptumq; consensum semper gerebat in mente, divina beneplacita adimplendi. Vnde in ipsius persona ajebat Propheta: Providebam Dominum in conspectu meo semper.* Et rursus: *In N. Virginis*

Virginis voluntate tantā pulchritudine divinus amor infusus est, quod nibil eligere vellet, nisi quod DEI Sapientia premonstrabat. Hoc ipsum S. Brigitte per Angelum revelavit DEUS: In eodem punto, inquit, quo gloriosa Virgo primo DEI cognitionem habuit, eiusdem Virginis benedicta voluntas Dei servitio se subjecit; nam omnia, quae ipsi DEO placere cognovit, delectabiliter perficeret placuit.

Hinc jam deducere manifeste poterimus sanctissimae Virginis excellentissime competere meritum de congruo respectu totius generis humani. Quippe cum in excellentissimo supra omnes puras creaturas gradu gratiae sit constituta, & DEI voluntatem perfectissime semper adimpleverit, congruum planum est, ut etiam DEUS eam voluntatem circa hominum salutem adimpleat. Quod certe unanimiter SS. Patres significarunt; & imprimis S. Augustinus inquit:

Serm. 35. de Sanctis. *Auctrix peccati Eva, Auctrix meriti MARIA: Eva occidendo obfuit, MARIA vivificando profuit: illa percussit, ista sanavit.* S. Chrysologus: Una pelle

sic DEVUM in sui pectoris capit, recipit, oblectat hospitio, ut pacem terris, uniuersitatem, gloriam, salutem perditis, vitam mortuis, terrenis cum caelestibus parentelam, ipsius DEI cum carne commercium pro ipsa domus exigat pensione. Deinde:

Serm. 140. *Ipse, inquit, Angelus miratur omnes homines vitam meruisse per feminam Sanctus Anselmus, Scimus, inquit, Beatam Virginem tanti esse meriti & gratiae apud DEVUM, ut nibil eorum, que velit efficere, possint aliquatenus effectu carere. Consentient SS. Ephrem Orat. ad sanctissimam Virg. Genesim manus de Zona Virginis. Damianus de Annuntiatione.*

Quod si haec vera sint spectata rei natura, quid dicendum est in particulari casu nostro, ubi specialis de hoc revelatio, & Mariana voluntatis significatio adest? Enimvero specialiter illa per revelationem B. nostro SIMONI exhibitam, quam supra divinam fuisse ostendimus, significavit, eos, qui sacro Carmelitarum Scapulari insigniti fuerint, aeternum non passuros incendium; cuius promissionis veritatem non immerito refundimus in meritum sanctissimae Virginis de congruo: quandoquidem juxta S. Anselmum supra citatum, ex vi hujusmodi meriti, poslit efficaciter piissima Virgo praestare & promittere, quæcumque voluerit. Neque ad hoc necesse est novo sanctissimae Virginis merito, aut speciali relatione, qua in hoc mundo obtulerit opera sua, ordinaveritque; ad tale beneficium obtainendum pro Confratribus sacri Scapularis. quia ultra id quod omnibus prodella voluit,

Ex congruo
Deiparae
Virg. merito procedit
specialiter
auxilium,
quo mediante
Confratres ejus aeternum
non pati-
enter in-
cendum.

voluit, & omnium salutem procuravit, quantum in ipsa fuit, juxta SS. Patres, singularis est ratio respectu eorum, qui ritè gestant hunc habitum Virgineum, adeòq; isto modo potuit tale beneficium illis de congruo promeruisse. Nam ex eo, quod speciali filiatione conjunxerit sibi Virgo Mater eos, qui prædictum suum habitum gestant, promeruit quod specialiter ijsdem DEUS benefaciat, etsi in vita sua nihil de hoc cogitaverit, dum meritorie operabatur, quia implicatum seu presumptum ejus desiderium ad hoc sufficit: uti de justis in universum annotat P. Suarez. Accedit quod, uti dicebamus, specialis de hoc adsit revelatio, per quam sanctissima Virgo voluntatem suam distinctè & expressè declaravit, atq; ideo sicut ex *Genesi* 18. colligimus, quod DEUS civitatibus Sodomorum propter decem justos, si intra eas inventi fuissent, pepercisset, tametsi opera sua ad eum finem prædicti justi non retulissent, sufficiente nobis ad hujus rei veritatem divino testimonio: ita sanè cum serenissima Virgo declaraverit & revelaverit non passuros sempiternum incendium, qui sacro Scapulari investiuntur, & requisitas ab ea adimplent conditiones, tametsi illa specialiter ad hunc finem in vita sua non fuisset operata, sufficere nobis debet tantæ Virginis & DEI Matris testimonium.

Dicet aliquis, dubium non esse quin potuerit prædictis Confratribus necessaria ad salutem beneficia promereri DEIPARA Virgo ex merito congruo; verùm tamen ejusmodi meritum non habere certum & infallibilem effectum, adeòq; ex vi talis meriti non posse absolutè verificari, quod è eternum non patientur incendium, qui sacram ejus Scapulare gestaverint; sed potius congruum duntaxat hoc esse, nullatenus autem debitum ex justitia. Huic dubitationi in sequenti Capite satisfaciemus.

C A P U T XIV.

Satisfit difficultati ex superiore Capite procedenti.

Pro resolutione difficultatis propositæ in fine præcedentis Capitis, advertendum est primò, meritum de congruo, tametsi perfectionem meriti de condigno non attingat, in suo tamen ordine esse verum meritum. Ratio est, quia de ratione

70.

N. 2.